

## ERAKUNDEAREN DATUAK

1. Erakundearen izena:	Ategi
2. Sektorea:	Zerbitzuak
3. Langile kopurua:	21
4. Webgunea:	<a href="https://www.ategi.com/">https://www.ategi.com/</a>
5. Erakundearen jardueraren deskribapena: (produktu eta zerbitzu nagusiak, merkatua, bezero motak...):	<p>MONDRAGON taldeko erosketa zerbitzuak eskaintzen duen kooperatiba da.</p> <p>300 enpresek eta enpresa-taldek baino gehiagok erabaki dute beren erosketen kudeaketa ATEGIN zentralizatzea, kostuak murrizteko eta beren enpresa arloko eraginkortasuna eta errentagarritasuna areagotzeko.</p> <p>Bezeroak nazionalak eta zerbitzua nazional zein internazional mailan eskaintzen dugu.</p>

## Harremanetarako datuak


Solaskidearen izen-abizenak:	Amaia Uribarren
Helbide elektronikoa:	auribarren@ategi.com
Telefonoa:	605775515

## PRAKTIKA ONAREN AZALPEN LABURRA

<b>1. Praktika onaren titulua:</b>	<a href="#">Langileen artean euskal kulturarekin lotutako edukien zabalkunde</a>
<b>2. Praktika onaren azalpena:</b>  Zer da? Zertan datza?  Nondik dator?  Zeintzuk dira onurak, lortu diren emaitzak?	Langileei eskaintzea lanetik kanpo ere euskaraz bizi ahal izateko kultur baliabideak, maiz berriak direnak eta ezagutzen ez direnak.  Ategin, lana euskaraz egin ahal izateko sortutako materialaz gain, lanetik kanpo ere euskaraz bizitzeko baliabideak eskaintzen ditugu hori ere euskalduntzeko ezinbesteko bitartekoa dela jabetuta. Hala, azken urteetan opor bezperatan irakurketa nobedade gomendioak bidaltzen ditugu pilula gisa (maiz Biblioporrak bezalako hautaketatan oinarrituta), baita euskarazko podcast berrien inguruko informazio zabaldu ere. Bukatzeko, euskarazko musika berriari buruzko tailerra ere egin dugu eta horrela Spotify zerrendak sortu ditugu azken urteotan sortutako diskotan oinarrituta.  Onuren artean nabarmendu liteke batetik langileek ulertzea euskalduntzea zerbait integrala bezala, ez hertsiki lan munduari lotua, eta bestetik euskarazko unibertsoaren eta irudiaren berritze bat transmititzea, ohiko topikoetatik aldentzen ere lagun dezakeena.

**ATEGI**  
**praktika onak**

- Pilulak
- Podkast
- Liburu gomendioak
- Euskera tailerra



# PILULAK

Pilulak euskaraz zuzen idazteko gomendioak dira.  
Astero galderak eta erantzunak bidaltzeko daude diseinatuta.



## PILULAK

Hemen 4 pilula Youtube formatuan:

- o <https://youtu.be/oFWqpl1A6Qo>
- o <https://youtu.be/cTa3MG1-WuA>
- o <https://youtu.be/X6l4xeFWVhs>
- o <https://youtu.be/0HqF5iwtFVM>

Beste pilula bat PPT formatuan:

## ESKUKO ORDENAGAILUA / TELEFONOA

Gaztelaniaren eraginez, askotan entzuten ditugu *ordenagailu portatila*, *telefono mugikorra* edo *mobila* bezalako hitzak. Baina zuzenak al dira?

EZ! Izan ere, portatil hitza ez da zuzena euskaraz eta mugikorra hitzak, berriz, beste esanahi bat du. Hain zuzen ere, telefono mugikor erabiltzen dugunean, telefonoak mugitzeko gaitasuna duela esaten ari gara.

Beraz, honela zuzenduko dugu ohitura txar hori:

- Biharko *ordenagailu portatila* behar dut. —————> Biharko *eskuko ordenagailua* behar dut.
- Telefono mugikorra* izorratu zait. —————> *Eskuko telefonoa* izorratu zait.

Eskuko telefonoa erabiltzeaz gain, beste aukera zuzen batzuk ere badauzkagu: *segapotoa*, *sakelako telefonoa*, *soineko telefonoa*.

# PODKAST

## EUSKARAZKO 4 PODKAST GOMENDAGARRI

EITB-K podkast gunea estreinatu berri duen honetan Ategiako Euskara Batzordeak 5 saio gomendatu nahi dizkizu:

- Barruan gaude:** Oier Aranzabalen elkarrizketa saio berezia.
- Artxipelagoa:** 2103 urteko Euskal Herrian girotutako fikzio podkasta.
- Lokatza:** Podkast feminista
- Kopenhage:** Musika podkasta.

<https://www.eitb.eus/eitbpodkast/>




# LIBURU GOMENDIOAK

Hemen duzue euskaraz irakurtzeko hainbat gomendio.  
Liburu hauek [eLiburutegia | Euskadiko liburu digitalen mailegurako plataforma](#), zuen herriko liburutegian edo liburu dendatan aurki ditzakezue.



## LIBURU GOMENDIOAK

### OPORRETAN IRAKURTZEKO GOMENDIO SORTA



#### Mikel Taberna (2021)

Arkanbele kantak deitzen da Mikel Tabernaren poema liburu berria, zeinak erretoika esan nahi baitu. Nork berea du, arkanbele kanta. Eta erraz antzemango dio irakurleak poemotan Tabernaren eskuari. Izan ere, geografia fisiko eta bital batean barnako bidaian sartuko gaitu liburuak. Bidasoaldera bezala Iruñeko atzerira eramango gaituena, haurtzarora eta 36ko gerrara, solastatzeko eta isiltzeko modu batera, gaztaroko lagunartea eta aurreneko sexu-jolasetara, gure baitako izaera gordera, bizitza gozatzeko modu batera... Desagertzeko arriskuan omen dago arkanbelea, baina zaila da sinestea, bizitza zelan zuktzen duen ikusita, haren kantak...



#### Elio Vittorini (2021)

Sizilia da Mediteraneo itsasoaren bihotza. Bertan izan dira greziarrak, erromatarak, bandaloak, bizantziarrak edota maiuak. Sizilia dira gosea, migrazioa, biolentzia amaigabea. Antzinako doinuak, begiradak eta sumendiak. Siziliak jabe bakarra du, bertan befirako agintzen duena: Eguzkia. Ez du inork Sizilia utziko eguzki izpi bakan batzuk barne-barnean gorde gabe.

Silvestro Ferrautok, Bolonian bizi den tipografo siziliarrak, aitaren eskutitza jaso du ama beste emakume batengatik utzi duela esanez. Segituan hartu du trenua Siziliara, ongi ulertu gabe zergatik, ama ikustera joateko. Italia osoa zeharkatuko du, baita irako portu eta ibarrak ere, etxera iritsi arte. Bidaia hitzez hitz bizitzaren sustraietara etorriko da, Siziliako eguzkia atzean utzi eta gauean bameratuz joan ahala.

Hau da Elio Vittoriniren maisulana, zentsura faxista saihestuz Mussoliniren Italian argitaratzea lortu zen eleberririk antifaxista bakarra.

KUDEAKETA AURRERATUA  
**EUSKALIT**  
GESTIÓN AVANZADA



**EUSKO JAURLARITZA**  
**GOBIERNO VASCO**

KULTURA ETA HIZKUNTZA  
POLITIKA SAILA  
DEPARTAMENTO DE CULTURA  
Y POLÍTICA LINGÜÍSTICA

# EUSKARA TAILERRA

Euskara Batzordeko kideok proposamen bat dugu zuretzat: aurkitu nahi zenituzke euskarazko musika talde berriak baina ez dakizu non? Ez duzu ezagutzen zerrenda honetako inor? Pasadena, J Martina, Pelax, Verde Prato, Odei... Euskarazko podcast eta audioliburuak existitzen zirenik ere ez zenekien?

*Lasail* Guk badugu erremedioa eta! **Tailer bat egitea proposatzen dizuegu, euskarazko musika berria non aurkitu ikasi eta Ategiko kide guztion artean Spotify zerrenda bat egiteko**. Animatzen zarete?



Betiko  
musikaz  
aspertuta?

## 1. ARIKETA: BEROKETA JOLASA

Hartu 5 minutu eta egon zareten azken kontzertuaren taldeko (edo taldeen) izena(k) idatzi. Berdin dio zer hizkuntzatan abesten zuten edo instrumentala zen.

Gozategi C Tangana  
Los Chicos del Maíz Anari

Nork jarri du zer?



KUDEAKETA AURRERATUA  
**EUSKALIT**  
GESTIÓN AVANZADA

